


Chuck teraka e nyane



Chuck e ne e le teraka e nyane e
tshehla e tipang ka morao.


O ne a lakatsa ho ba moholo.
Letsatsi le leng Chuck a sheba
terene e tala e neng e feta e
jahile haholo.

"Ekare nka be ke le terene e tala
e lebelo," ha rialo Chuck.



Yaba, o bona bese e kgolo ya
mmala wa lamunu.

"Ekare nka be ke le bese e kgolo
ya mmala wa lamunu," ha rialo
Chuck.




Ha morao, Chuck a bona sefofane
se sesweu se benyang se fofa
hodimo marung.

"Ekare nka be ke le sefofane
se sesweu se benyang," ha rialo
Chuck.




Chuck a shebahala a hloname ha
a bona lori e kgolo e kgubedu.

"Jo! ekare nka be ke le lori e
kgolo e kgubedu." ha rialo Chuck.



Thapameng eo, ha Chuck a phomotse haufi le noka, a bona sekepe se botala bo kganyang.
"Ekare nka be ke le sekepe se botala bo kganyang," ha rialo Chuck .

Ka sebakanyana, Chuck a bona koloi ya lebelo e kgubedu.
"Ekare nka be ke le lebelo jwalo ka koloi ya lebelo e kgubedu," ha rialo Chuck.



Kapelepele, Chuck a bona
moshanyana a wela ka nokeng.

"Thusa!" moshanyana o a
kgangwa.


"Ke mang ya tla nthusa?"



"E seng nna" ha
rialo bese.



"Ke ema feela
boemelong ba dibese."




"Re ka se kgone," ha rialo lori
le koloi ya lebelo.

"Re ka se kgone ho kena ka
metsing."



"E seng nna," ha rialo sefofane.
"Ke hodimo haholo."

"Nkeke," ha rialo sekepe.
"Moya o matla haholo mme
ha ke kgone ho thinya."



"Ho lokile ke tla o thusa!" ha rialo
teraka e nnyane e sebete.

Ya phahama ka morao ya tsholla
majwe ao e neng e ajere ya ntoo
dihela bokamorao ka metsing
hore moshanyana a kgone ho
palama.

"Yee!" moshanyana a hoeletsa.
"Ke pholohile!"



Helele!

"Ke a leboha teraka e sebete e
tshehla!" ha rialo moshanyana.

Ha o a tlameha ho ba
moholo hore o be
sebete.



pl



Diteraka

Tse tipang di jara ntho tse boima.
Re ka di sebedisa ho jara lehlabathe le
ditene.
Ha di batla ho tsholla lehlabathe, di a
phahama ka morao ho le tsholla moo le
hlokehhang.





Dikoloi tsa tshohanyetso

Batho ba re thusang ba palama dikoloi tse ikgethang.

Ditimi tsa mollo di sebedisa ditimamollo ho tima mollo.

Ha o kula re bitsa **koloi ya bakudi**. Ha ho na le kotsi ya koloi, re bitsa teraka e hulang makoloi.

Re bitsa sekepe sa pholoso ha re hloka thuso lewatle.

Ha ho na le kotsi e mpe haholo, **re bitsa sefofane sa pholoso**.

Ha re bitsa mapolesa, a **tlakavenya ya mapolesa**.








Mesebetsi ya ho bala ka dihlopha



1

Qoqela motswalle wa hao pale ka mantswe a hao.
Sebedisa ditshwantsho tse latelang.



2

Bala o arabe dipotso ho motswalle wa hao.



- Sehlooho sa pale ke sefe?
- Lebitso la mophethwa wa sehlooho ke mang?
- Bolela ntho tse pedi tseo Chuck a neng a labalabela ho ba tsona?
- Re tseba jwang hore Chuck o ne a le sebete?



3

Hobaneng dikoloi tsena di sa thusa moshanyana?
Qetela dipolelo bukeng ya hao ya ho ngolla.

Nka se thuse hobane ...





4

Ngola mantswe kholomong ya pele. O nto ngola mantswe a dumang jwalo ka wona.

phahamisa	emisa	lomisa	dumisa
lebelo	semelo	kemelo	poelo
fofa	bofa	lefa	sefa
thusa	busa	qosa	tlosa
hodimo	ledimo	badimo	lehodimo
moshanyana	ngwananyana	mothonyana	ntshonyana



5

Ngola dipolelo tse nne 4 – 6 ka Chuck teraka bukeng ya ho ngolla .

Taka setshwantsho ho hlalosa pale..

Ngola sehlooho sa pale ya hao.